

Udruženje **Omladinska novinska asocijacija u Bosni i Hercegovini (ONA u BiH)**, u skladu sa Statutom i internim procedurama organizacije, objavljuje:

## JAVNI POZIV

### za prijavu u bazu konsultanata/ica, trenera/ica, mentora/ica i stručnih saradnika/ica ONA u BiH

Omladinska novinska asocijacija u Bosni i Hercegovini (ONA u BiH) je organizacija civilnog društva koja djeluje u oblastima omladinskog novinarstva, medijske pismenosti, medijskih sloboda, neformalnog obrazovanja, rada sa mladima, produkcije medijskih sadržaja, jačanja kapaciteta mladih autora/ica i promocije aktivnog učešća mladih u društvu.

Kroz svoje programe, projekte, edukacije, kampanje, publikacije, medijske sadržaje i rad portala Karike, ONA u BiH nastoji mladima omogućiti prostor za učenje, izražavanje, kritičko promišljanje, razvoj novinarskih i komunikacijskih vještina, kao i aktivno učešće u javnom životu.

### O pozivu

ONA u BiH kroz svoje programe, projekte i inicijative realizuje različite aktivnosti usmjerene na jačanje kapaciteta mladih, mladih novinara/ki, autora/ica, volontera/ki, omladinskih organizacija, medijskih radnika/ca i drugih aktera civilnog društva i medijskog sektora. Ove aktivnosti mogu obuhvatati edukacije, treninge, mentorstvo, stručne konsultacije, facilitaciju, razvoj edukativnih i medijskih sadržaja, izradu analiza, istraživanja, publikacija, pravilnika, strategija, komunikacijskih materijala, finansijskih i pravnih dokumenata, kao i druge stručne angažmane relevantne za rad ONA u BiH.

S ciljem osiguranja kontinuirane saradnje sa kvalifikovanim i iskusnim osobama iz različitih oblasti, **ONA u BiH uspostavlja bazu konsultanata/ica, trenera/ica, mentora/ica i stručnih saradnika/ica** s ciljem lakšeg pronalaska kvalifikovanih osoba za buduće programske, projektne, edukativne, istraživačke, komunikacijske, pravne, finansijske, produkcijske i druge stručne angažmane. Baza će služiti kao interni mehanizam za identifikaciju osoba koje mogu pružiti podršku u realizaciji aktivnosti ONA u BiH, razvoju portala Karike, jačanju kapaciteta mladih autora/ica i saradnika/ca, unapređenju internih procedura, izradi stručnih dokumenata, razvoju komunikacija, produkciji sadržaja i drugim oblastima relevantnim za rad organizacije.

Upis u bazu ne podrazumijeva automatski angažman, već omogućava ONA u BiH da, u skladu sa konkretnim potrebama, kontaktira osobe čiji profil, iskustvo i dostupnost odgovaraju određenom zadatku.

### Oblasti stručnog angažmana

U bazu konsultanata/ica, trenera/ica, mentora/ica i stručnih saradnika/ica ONA u BiH mogu se prijaviti osobe koje imaju relevantno iskustvo, znanje, obrazovanje, reference ili praktičnu ekspertizu u jednoj ili više oblasti značajnih za rad organizacije.

Ovaj javni poziv **obuhvata deset tematskih oblasti**. Kandidati i kandidatkinje mogu se prijaviti **jednu ili više a najviše tri oblasti**, u skladu sa svojim iskustvom, kompetencijama i interesovanjem za buduću saradnju sa ONA u BiH.

Ispod svake oblasti navedeni su primjeri mogućih angažmana, profila i vrsta stručne podrške. Navedeni primjeri nisu ograničavajući, te se mogu razmatrati i drugi srodni profili i oblici angažmana koji odgovaraju potrebama ONA u BiH, portala Karike i projektnih aktivnosti organizacije.

### **1. Konsultanti/ce, treneri/ce, mentori/ce i stručni/e saradnici/e za medijsku pismenost, novinarstvo i edukaciju mladih**

U okviru ove oblasti mogu se prijaviti osobe koje imaju iskustvo u edukaciji mladih, medijskoj i informacijskoj pismenosti, novinarstvu, kritičkom čitanju medija i razvoju edukativnih sadržaja.

Primjeri mogućih angažmana uključuju:

- trener/ica za medijsku i informacijsku pismenost, prepoznavanje dezinformacija, misinformacija, propagande i manipulacija, te fact-checking i provjeru informacija;
- trener/ica za digitalnu sigurnost, zaštitu privatnosti i etiku u novinarstvu;
- trener/ica u oblastima omladinskog, lokalnog, građanskog i istraživačkog novinarstva;
- trener/ica za pisanje vijesti, intervjuva, reportaža, komentara i analiza;
- mentor/ica za mlade autore/ice, novinare/ke i saradnike/ce;

### **2. Konsultanti/ce, mentori/ce i stručni/e saradnici/e za Karike, urednički rad i razvoj medijskog sadržaja**

U okviru ove oblasti mogu se prijaviti osobe koje imaju iskustvo u uredničkom radu, razvoju online medija, mentorstvu mladih autora/ica i unapređenju kvaliteta medijskog sadržaja.

Primjeri mogućih angažmana uključuju:

- urednički/a konsultant/ica za online omladinski medij;
- konsultant/ica za uredničke politike, procedure i standarde;
- mentor/ica za autore/ice, dopisnike/ce i mlade saradnike/ce;
- konsultant/ica za razvoj mreže mladih autora/ica i saradnika/ca;
- lektor/ica, korektor/ica i jezički/a konsultant/ica;
- konsultant/ica za etičko, sigurno i odgovorno objavljivanje sadržaja.

### **3. Konsultanti/ce, saradnici/e i stručni/e saradnici/e za komunikacije, kampanje i vidljivost**

U okviru ove oblasti mogu se prijaviti osobe koje imaju iskustvo u komunikacijama, odnosima s javnošću, digitalnim kampanjama, društvenim mrežama, brendiranju i promociji organizacijskih i medijskih sadržaja.

Primjeri mogućih angažmana uključuju:

- konsultant/ica za komunikacijsku strategiju organizacije;
- konsultant/ica za komunikacijsku strategiju portala Karike;
- konsultant/ica za odnose s javnošću i medijima;
- konsultant/ica za digitalne kampanje i društvene mreže;
- saradnik/ica za vođenje društvenih mreža;
- copywriter/ica i content creator/ica;
- konsultant/ica za brending i vizuelni identitet;
- konsultant/ica za kampanje javnog informisanja i zagovaranja;
- dizajner/ica za društvene mreže i digitalne materijale.

#### **4. Konsultanti/ce, treneri/ce i stručni/e saradnici/e za produkciju audio, video, foto i digitalnog sadržaja**

U okviru ove oblasti mogu se prijaviti osobe koje imaju iskustvo u produkciji medijskog, digitalnog, audio, video i foto sadržaja, kao i u mentorstvu ili edukaciji mladih u ovim oblastima.

Primjeri mogućih angažmana uključuju:

- video producent/ica;
- audio producent/ica;
- podcast producent/ica;
- fotograf/kinja;
- videograf/kinja;
- montažer/ka video sadržaja;
- trener/ica za podcast produkciju;
- trener/ica za video storytelling;
- trener/ica za mobilno novinarstvo;
- konsultant/ica za TikTok, Reels i druge kratke video formate;
- konsultant/ica za dokumentarne i kratke video forme;
- grafički dizajner/ica;

#### **5. Konsultanti/ce i stručni/e saradnici/e za pravnu podršku i interne politike**

U okviru ove oblasti mogu se prijaviti osobe koje imaju pravno znanje i iskustvo relevantno za rad organizacija civilnog društva, medija, autora/ica, saradnika/ca i učesnika/ca projektnih aktivnosti.

Primjeri mogućih angažmana uključuju:

- pravni/a konsultant/ica za autorska prava i korištenje medijskih sadržaja;
- pravni/a konsultant/ica za politiku objavljivanja sadržaja;
- pravni/a konsultant/ica za ugovore sa autorima/cama, saradnicima/cama, konsultantima/cama i drugim angažovanim osobama;
- pravni/a konsultant/ica za zaštitu ličnih podataka;
- pravni/a konsultant/ica za obradu podataka u okviru prijavnih formi, projekata i aktivnosti;
- pravni/a konsultant/ica za medijsko pravo;
- pravni/a konsultant/ica za pitanja klevete, govora mržnje, diskriminacije i online nasilja;
- konsultant/ica za izradu internih akata, pravilnika, politika i procedura;
- konsultant/ica za safeguarding politike i zaštitu djece i mladih;
- konsultant/ica za etičke kodekse za autore/ice, urednike/ce, saradnike/ce i učesnike/ce aktivnosti.

#### **6. Konsultanti/ce i stručni/e saradnici/e za finansije, održivost i fundraising**

U okviru ove oblasti mogu se prijaviti osobe koje imaju iskustvo u finansijskom upravljanju, budžetiranju, izvještavanju, održivosti organizacija civilnog društva, fundraisingu i razvoju finansijskih procedura.

Primjeri mogućih angažmana uključuju:

- konsultant/ica za finansijsko upravljanje u neprofitnom sektoru;
- konsultant/ica za izradu plana održivosti;
- konsultant/ica za fundraising strategiju;
- konsultant/ica za diversifikaciju izvora finansiranja;
- konsultant/ica za budžetiranje projektnih aktivnosti;
- konsultant/ica za finansijsko izvještavanje prema donatorima;
- konsultant/ica za interne finansijske procedure;

- konsultant/ica za javne nabavke i nabavke u okviru projekata;
- konsultant/ica za evaluaciju ponuda i tenderske procedure;
- konsultant/ica za razvoj donatorskih partnerstava;
- konsultant/ica za crowdfunding, individualne donacije, članarine i druge modele održivosti;
- konsultant/ica za socijalno preduzetništvo i održive modele finansiranja.

## **7. Konsultanti/ce i stručni/e saradnici/e za projektni menadžment i organizacijski razvoj**

U okviru ove oblasti mogu se prijaviti osobe koje imaju iskustvo u upravljanju projektima, pisanju projektnih prijedloga, izvještavanju, strateškom planiranju i razvoju organizacija civilnog društva.

Primjeri mogućih angažmana uključuju:

- konsultant/ica za upravljanje projektima u civilnom društvu;
- konsultant/ica za pisanje projektnih prijedloga;
- konsultant/ica za razvoj projektnih ideja;
- konsultant/ica za logičku matricu, indikatore, rezultate i ishode;
- konsultant/ica za monitoring i evaluaciju;
- konsultant/ica za izradu narativnih, tehničkih i završnih izvještaja;
- konsultant/ica za volonterski menadžment;
- konsultant/ica za rad sa članstvom;

## **8. Konsultanti/ce, istraživači/ce i stručni/e saradnici/e za istraživanja, analize i javne politike**

U okviru ove oblasti mogu se prijaviti osobe koje imaju iskustvo u istraživanjima, analizama, obradi podataka, izradi publikacija, preporuka, policy briefova i drugih stručnih materijala.

Primjeri mogućih angažmana uključuju:

- istraživač/ica u oblasti mladih;
- istraživač/ica u oblasti medija i komunikacija;
- istraživač/ica u oblasti medijske pismenosti;
- konsultant/ica za analizu potreba mladih;
- konsultant/ica za analizu medijskih sadržaja;
- konsultant/ica za monitoring medija;
- konsultant/ica za obradu i interpretaciju podataka;
- konsultant/ica za izradu publikacija, policy briefova, preporuka i stručnih osvrta;
- konsultant/ica za omladinske politike;
- konsultant/ica za javno zagovaranje;

## **9. Konsultanti/ce, treneri/ce, mentori/ce i stručni/e saradnici/e za ljudska prava, inkluziju i rad sa mladima**

U okviru ove oblasti mogu se prijaviti osobe koje imaju iskustvo u radu sa mladima, neformalnom obrazovanju, ljudskim pravima, inkluziji, antidiskriminaciji i kreiranju sigurnih prostora za mlade.

Primjeri mogućih angažmana uključuju:

- trener/ica za rad sa mladima;
- trener/ica za neformalno obrazovanje;
- trener/ica za ljudska prava;
- trener/ica za antidiskriminaciju;
- trener/ica za rodnu ravnopravnost;
- trener/ica za inkluzivni jezik i komunikaciju;
- trener/ica za LGBTQI+ inkluziju;

- trener/ica za rad sa marginalizovanim grupama mladih;
- trener/ica za mentalno zdravlje i dobrobit mladih;
- trener/ica za prevenciju nasilja, govora mržnje i online nasilja;
- trener/ica za interkulturalni dijalog;
- trener/ica za nenasilnu komunikaciju;
- trener/ica za omladinski aktivizam, volontiranje i građanski angažman;

## **10. Konsultanti/ce, treneri/ce, facilitatori/ce, moderatori/ce i stručni/e saradnici/e za facilitaciju, događaje i edukativne programe**

U okviru ove oblasti mogu se prijaviti osobe koje imaju iskustvo u facilitaciji, moderaciji, dizajnu edukativnih programa, organizaciji događaja i radu sa učesnicima/cama različitih aktivnosti.

Primjeri mogućih angažmana uključuju:

- moderator/ica panela, javnih diskusija i događaja;
- konsultant/ica za dizajn edukativnih programa;
- konsultant/ica za razvoj metodologije radionica;
- konsultant/ica za organizaciju kampova, škola, akademija, konferencija i treninga;
- konsultant/ica za evaluaciju edukativnih aktivnosti;

## **Mogući oblici saradnje**

Osobe upisane u bazu mogu biti kontaktirane za kratkoročne ili povremene angažmane u okviru projekata, programa i aktivnosti ONA u BiH.

Naknada za angažman, ukoliko je predviđena, bit će definisana posebno za svaki zadatak, u skladu sa vrstom i obimom posla, trajanjem angažmana, raspoloživim budžetom, pravilima donatora i internim procedurama ONA u BiH.

## **Kriteriji za prijavu**

Pravo prijave imaju osobe koje:

- imaju iskustvo, znanje ili stručnost u jednoj ili više oblasti navedenih u ovom pozivu;
- mogu samostalno i profesionalno izvršavati dogovorene zadatke;
- razumiju vrijednosti rada sa mladima, medijske pismenosti, odgovornog novinarstva, ljudskih prava i inkluzije;
- spremne su saradivati sa ONA u BiH u skladu sa internim procedurama, projektnim pravilima i dogovorenim rokovima.

## **Način prijave**

Zainteresovani kandidati i kandidatkinje prijavu dostavljaju najkasnije do **06.07.2026. godine do 23:59 sati**, putem prijavnog obrasca dostupnog na sljedećem linku: [LINK ZA PRIJAVU](#)

Prijava treba sadržavati sljedeću dokumentaciju:

### **Obavezna dokumentacija:**

- popunjen prijavni obrazac;
- CV / kratku biografiju;
- propratno pismo sa kratkim obrazloženjem interesa za saradnju sa ONA u BiH, u dužini do jedne stranice.

**Dodatna dokumentacija, ukoliko je dostupna:**

- relevantne certifikate, potvrde, preporuke ili druge dokaze o iskustvu;
- portfolio, linkove na radove, publikacije, kampanje, medijske sadržaje, treninge ili prethodne angažmane, ukoliko je primjenjivo.

ONA u BiH može, po potrebi, zatražiti dodatna pojašnjenja, razgovor, portfolio, finansijsku ponudu ili druge informacije relevantne za procjenu prijave.

Nakon završetka procesa razmatranja prijava, ONA u BiH će obavijestiti kandidate i kandidatkinje koji/e, prema odluci Komisije, ispune propisane kriterije i budu upisani/e u bazu konsultanata/ica, trenera/ica, mentora/ica i stručnih saradnika/ica.

## **Završne odredbe**

Dostavljeni podaci koristit će se isključivo za potrebe procjene prijave, vođenja baze i eventualnog budućeg angažmana u okviru aktivnosti ONA u BiH. ONA u BiH zadržava pravo da ne izvrši upis kandidata/kinje u bazu ukoliko dostavljena prijava ne odgovara oblastima i potrebama organizacije.

Baza trenera i mentora vodi se kao otvorena i ažurirajuća baza, bez unaprijed određenog roka trajanja. ONA u BiH će najmanje jednom godišnje objaviti javni poziv za prijavu radi njene dopune, proširenja i ažuriranja, a po potrebi može izvršiti i dodatne cikluse prijema prijave.

Sva pitanja u vezi sa javnim pozivom mogu se poslati putem e-maila na: [info@onaubih.ba](mailto:info@onaubih.ba)

Sarajevo, 22.06.2026. godine